



CHANSON AR C'HI MOUSTACH

Var un ton caer.

PEBES domach!
Maro eo ar C'hi lous!
Ne velàn mui ar C'hi Moustach
Gant e vizach marmous.
Er blo-mâ ezeo decedet
Câbiten an oll barbedet
Demeus ar c'hanton:
Qi ar person
Zo rannet e galon
Gant dezolacion
Hag ar t'heus d'e vignon:
Ne zorti mui, gant an anqen,
Demeus e variqen.

A vianig.

E voa maget ar C'hi
Gant bara, yot, esqern ha qig
Bais e Kersaintjili.

Mæs Yan Gamus, e ber amzer.

A zisqas d'ar C'hi e vicher

Hag e gademi.

Ne voa maryol qi,

Hep droug comz a ini,

Qer fidel var dro ti

Evel ma voa ar C'hi;

Ar chaç all a voa canailles

E qichen Moustach qes.

Pa voa Moustach

E ren e yaouanqis,

En devoa an oll avantach

Var oll Kersaintjilis.

Ar vugale, ar grennardet,

Hag ive cals a gos grac'het,

Gragez a sqient,

Pa remerqent

Ar Moustach var o hent,

E pedent an oll zent

D'en trei divar o hent

Mar crient forç, en eur redeç,

Var an diaoul bruillec.

Mar de Moustach

Meprizet gant an du,

Ne receo nemet peb homach
 Digant al loened mud.
 Ar moc'h, ar zaout bag ar c'hezec
 A respet ar C'hi mastrouillec.
 Chag ar gigerien,
 Pa er guelent,
 Oll e stouent o fen
 D'o mestr ha d'o doyen;
 N'eur serri o riden.
 Ma lavarent, dre o remach
 Bonjour, aotrou Moustach;
 Ha ma rent oll ar revrang
 D'ar C'hi a gonseqanç.

Un dijentil,
 Daouest d'e galite,
 O clêvet ar C'hi o c'harzal
 ▲ dennas e gleze.
 Crena rê e oll izili,
 O tremen dre Kersaintjili;
 Caer en devoa coach,
 Ar C'hi Moustach
 A zailla gant arrach
 Tre e creis e vizach,
 Hag en dibarfoultras.

Ne voa qet, gant diou bistolen ;
 Evit en eur difen.

Chaç ar c'hanton ,

Amâ e deoc'h redec ;

Antreit gant reflexion.

Ebars parc ar Garec.

Oll oc'h eus bet an avantach

Da veza caret gant Moustach ;

Deut oll var un dro

Gant ho moechou

Da ober ho canvou

Da Voustach zo maro

Gant re gorfad stripou ;

Hag astit prest d'en enterri ,

Na bate mui va fri.



E MONTRÓULEZ, e ti LEDAN.